



素軒吟藁卷之五

歌行

題松坡桂山樓

倚樓芳桂樹來久厚壤行根可結盤滋培  
雨露自天意搖落風霜無歲寒大枝偃  
蹇湖光起小枝連蹙山色裏滿天涼月照  
開花萬斛香風吹着子蓬萊仙侶真絕奇  
豈羨竇家稱五枝聞說秋來造化兩度禎祥  
報道太平時

送曹繡衣



古人嘗稱桓侍御凜冽冰霜動朝著乘驄  
到處懾豪雄九陌人人行且避桓郎一去今  
千載六察寥寥繼風采鐵冠白簡誰可方  
曹君清節泣神鬼君今年纔四十餘琅琅  
聲價高璠璣發奸擿伏振風紀星軺幾誦  
皇華詩邇來又捧

明光勅遠赴名藩閱戎籍一泓冰斧手中持  
五色春雲衣上織昂威攬轡氣如虹繡轂  
銀鞍虎綬紅一道飛霜隨駐節九霄甘雨  
逐乘驄乘驄取道五羊路重疊青山莽

回互庾嶺峰頭日欲低飛來寺外雲初度  
丞相祠前道坦夷引路蒼松夾岸齊飛鳥  
衝烟投士磧斷猿啼月掛深谿雙旌遙度  
了山嶂眼底貔貅森相向未須搏擊樹奇  
勲且慰蒼蒼遠人望

題鍾馗

陰風蕭蕭吹髮寒老馗夜踏山雨殘恨生  
不作中執法誓死肯負唐衣冠驪山夢破  
一回首上帝母煩六丁走魑魅都歸鞭策中  
羸得騎驢袖雙手



題茶

西廣之山正西走一帶好山覆江口地靈人傑豈獨然亦有靈芽秀川藪本原石性感清竒更遠泥沙謝塵垢採摘常當穀雨前勾萌不待春雷後鄉官餽者心頗誠珍重風情託篁簞煮爇愛分江入夜瓶敲疑隔竹聞山曰時時醉吻資涵潤曲曲詩腸藉疏洩何當遠致金山泉恨不相逢玉川叟

贈屠繡衣便道歸省

繡衣柱史温如玉北面立

朝風紀肅花驄遍布遠方春寒巖幽谷資發育嚴親在堂尚雨尔疆榮養久分

天府祿龍章鳳勅輝宸奎豸袍緋繡照人

目祗今便道喜還家千里雲山引遐矚錦衣不羨白書一遊官羅旋剪斑斕服獻壽

高張玳瑁筵芳藹神仙豔華屋水晶盤

載駝峯青霞觴泛葡萄綠再拜起舞

為親壽遙指南山對親祝古來忠孝當兩

全南歸北土莫辭速明年此日君知否更

向廟堂秉鈞軸



贈蕭都憲喜晴

粵州二月春景融  
蒼筠筠綠樹繁陰濃  
前溪雲散雨初歇  
小橋流出桃花紅  
差池紫燕交飛緩  
似與東風共面轉  
白鷗雙立石苔滑  
鴛鴦並宿汀沙軟  
蹇予踏遍京華塵  
上林景物年年新  
不似江南春意早  
雨餘天霽滿城春  
總賴憲臣膏澤溥  
媿媿老稚笑欣欣

九月九日登劉仙巖

長短句

九月九日消殘暑  
洒然數點滌塵雨  
瀛洲

信難求神仙或可覩  
朝談神仙詩夜夢神  
仙塢烟蘿百尺手自攀  
飛步直上青雲端  
瑤草香浮碧烟煖  
松風怒作秋濤寒  
踰千巖兮歷萬壑  
土四顧無人自盤礴  
羽衣丹頂九臯禽  
嘎然長鳴遡寥廓  
我欲因之縱攀躋  
躋空中恍惚聞天雞  
豁然大笑詩初就不  
覺見西山日漸低

題雲泉

碧落無塵秋氣高  
白雲捲空如海濤  
高人避俗事幽討  
眼前八極窮秋毫  
就中蓬萊



有佳色清泉倒瀉三千尺初驚白虹飲碧  
波又疑玉龍涎滴瀝萬里長風吹不收坐  
令毛髮寒颼颼漆園傲吏去已遠長庚仙  
人今在不我生素志喜丘壑善因名利相  
纏縛何當卜鄰如此圖聽水看雲一生樂  
題瓊林燕歸圖贈汪侍御先生

臚傳曉出

金鑾金殿

大恩又賜瓊林燕萬紫千紅映錦筵笙歌欲  
斷鶯鶯聲轉五彩宮花壓帽徧半酣扶上錦

鞍鞦鈿車雲擁珠簾捲滿道爭看玉洞仙  
金鞭亂拂千花影明月香街尚馳騁邸人  
歡笑候門前袖中奪却紅綾餅明日珂聲  
入建章嵩高呼拜舞祝

君王誓將綵繡三千丈補却山龍十二章

送汪繡衣還朝

繡衣柱史花驄馬玉節崇旋輦轂下傾城  
出祖擁笙歌獨有迂儒淚盈把此淚非關  
恨別離傷心疾首為黔黎儂家未受狄青  
戮漢室難禁賈誼悲年年此地蠻夷擾白



骨連村帶荒草萬家井邑半為墟十載  
干戈猶未了

聖恩赫怒屢興師遠地茫茫天不知奏捷  
論功難計數每歲風塵尚如故邇者軍書  
達

帝廷未幾蠻賊又攻城廟堂勝筭行應得  
吠畝私心猶自驚公今朝天拜

黼展好把邊情訴

天子埋輪必欲靜豺狼持斧先當肅貔虎從  
此三軍銳且勤長驅力戰總忘身直取鯨

鯢真戮盡南荒萬里總回春

木槿花

朝見花開暮見落人生反復亦相若夜來  
白露洒園藿已見繁葩不如昨朝花枝上  
鬪綽約暮花辭枝竟何託持花為謝青  
樓女鏡裏容華不待汝

素軒吟藁卷之五終

素軒吟藁卷之六

七言排律

賀誠菴壽

粵山雲氣鬱崔嵬家住天南紫翠堆庭  
畔鶴飛如客到苑中蝶過識花開初心  
道德終無負千歲功名底用媒海屋籌  
添無甲子神仙壽益在蓬萊茯苓日長  
青松樹弱水時添白玉杯王母蟠桃先  
已獻願從江鴈帶書回



之六終

素軒吟藁卷之七

五言排律

到江南作

一到江南域蕭然萬象清  
雨餘青嶽秀雲外碧流明  
竹色朱門徧荷香畫舫盈  
春鋤臨筆下鸚鵡傍花鳴  
稚子青荷傘厨人紫芋羹  
山機成細葛野碓熟香粳  
酒幔連珠箔菱歌雜鳳笙  
風沙千里客疑此即蓬瀛

贈童太守

天眷

皇圖壯山呼

聖壽長四時皆玉燭九有盡金湯太守民師  
帥斯文國紀綱面膺

宸翰寵身帶御爐香五馬來西廣雙旌出  
道傍朱幡崇皂蓋紫綬鞞金章屬掾俱  
廉耻元寮共贊襄文皆稱董賈政不讓  
龔黃健訟詩書習淫祠禮樂防隲河聞  
渡虎出境見飛蝗絃誦連比屋歌謠接遠  
疆喬遷當在即

天語出明光

輓萬少叅

早登龍虎榜列侍鳳凰池撫字民咸感才  
猷衆所推

君恩偏渥洽臣節遠分持霖雨甦群姓清聲  
肅百司權衡多士仰道德後人師正及遷  
喬日俄驚夢奠時秋風歸別鶴夜月照靈  
輜廣右甘棠頌民間薤露詩輿評名尚在  
舊稿墨猶滋賢子承遺業斯文憶令儀不  
勝傷悼處收淚寫哀辭



贈蕭都憲排律原由刑部歷陞右都御史  
西蜀仙源遠名家福慶長  
秀乃鍾廊廟器學襲聖賢  
芳進士黃金榜秋官粉署郎  
洗冤兼澤物啓死得生方  
世際風雲會身依日月光  
法曹時傑直寶劍曉含芒  
地近司喉舌才高具棟梁  
貤封

優詔許拜

命夙心償

八語親超擢王休獨對揚  
士夫輿論愜

守渥恩滂藩臬均敷歷元  
睿共贊襄豸袍

明白簡紫綬照金章辭陞

天顏喜臨岐祖席張鯤鵬  
從北徙鴻鴈向南

翔位列中丞正心馳

黼展傍百寮承節制兩廣  
屬提綱豈但威權

重咸推譽望香前程應遠  
大發軔此方將

台斗懸星象丹山語鳳凰  
菲才慚襪線

何幸覩冠裳布鼓雷門獻  
斯文甚恐惶

贈平樂李太守

太守民師帥遷官及壯齡  
遠人知約法漢

吏本通經牧愛蘇民困慈  
祥副



聖情奸邪先禡魄痼疾已全生  
虎渡河邊去  
徭開廢地畊  
惟應平樂水  
長共使君清

寄內翰張子陽先生二首

玉府書成日

金門詔下時  
近臣增秩祿

聖主布恩私  
遲日明光殿  
清波太液池  
宮壺春漱艷  
御墨晚淋漓  
柳色迴鰲禁  
芸香滿鳳墀  
學傳周太史  
道述魯先師  
黃鵠終高翥  
驂騑且共馳  
何年賜金印  
五色染玉絲

又

上苑看花客  
才華早擅場  
久持良史筆  
日飽大官羊  
玉府書勲考

金門錫寵光  
班資鄰翰長  
聲譽動朝行  
納履趨

天上橫經在

帝傍一杯仙  
掌露兩袖玉  
爐香  
柳色連翔鳳  
鸞鳥聲出建  
章五城春欲  
遍  
四海日初長  
正學推周孔  
淫辭放老莊  
願將堯舜理  
同以奉

君王



長至日

玉燭調和日賢臣侍從年

帝心思沃潤朝事欲周旋  
午夜鷄初唱通衢  
馬數鞭徑趨雙闕下  
特占百官先屏氣  
渾無息持心倍有虔  
遠思

龍衣近恭想鳳姿妍  
儼若雲中立俄從仗外  
瞻晴雲臨

禁旭日上花磚坐識乾元大言祈

祚繇明看陽道長和氣滿山川  
祈晴

邊方連月雨季夏復新秋  
欲斷仍成績將窮未肯休  
厭聽簷底溜不辯路傍溝  
棟宇天應漏瓶罌地欲浮  
魚池如泛海稻隴可行舟  
商客深懷慮農夫倍益憂  
陰陽誰燮理旱溢不相謀  
懇乞陽烏現仍祈潢潦收  
蒼生罹苦楚吾德欠涵脩  
但願回天意晴光照九州

素軒吟藁卷之八

五言古體

雨後步蔬圃

栽蔬徧南圃雨足蔬亦長晨夕供採掇筐籠  
克所將豈無膏粱思自顧不可常願言使  
無違澹泊庸何傷

題歲寒三友圖

友道日凋謝伐木久無詩詎謂卉木間友道  
反不虧娟娟白玉英落落蒼龍枝復有青琅  
玕歲晏以為期相看冰雪中節槩不少移



豈不念軼軻守貞理所宜物性尚如爾人情  
良可悲勗哉三友交吾當視為規

自題素軒拙號

人情恒厭素我獨素為名心素內寡慾志  
素外無營行澹履朴素言素由純誠素啜  
澗底水素茹松根苓紛華素弗視寵辱素  
弗驚圖書素翫味琴棋素怡情山水適素  
趣猿鶴結素盟素觀宇宙內以素全吾生

感興二首

我有古璞玉十年藏匱中不敢自雕琢持  
之付良工良工乃蒙昧辨別假偽同我偽不  
足惜真者聞其風

又

我有古銅鏡十年置行囊一朝試拂拭皎如  
明月光曲直固易辯妍媸亦難藏乃不照人  
心棄置復何傷

題梅

一枝羅浮玉芳姿淡輕盈明月何皎皎照此  
冰骨清遙疑暗香度近覺踈影橫懷哉君  
子操潔白可同情



遊七星巖是日會曹侍御

白首非少年登山學隱仙時尋羨門子飛  
珮聲珊珊然遊到七星巖看雲隨處眠蓬萊  
非迥絕三島遙勾連閑中攀碧蘿直上崑  
崙巔黃鶴東南來叫破萬里天松絃翠濤  
響泉沫珠顆圓丹光射白日芝草搖晴烟  
伴席坐花雨呼龍耕玉田久懷冲舉願永  
謝塵世緣寄言烏臺客可以同周旋

同曹繡衣遊風洞作

平生好幽勝所至窮躋攀今朝銜使命偶

此登名山縈迴風洞間豁然異塵寰清風生  
兩腋蕭颯花雨寒歲月知幾何苔蘚生斑斕  
古今一幻泡等是何足歎我來愜清賞又得  
半日閑幸會霜臺客詩成酒半酣振衣起  
林麓咲逐孤雲還

題張總兵籌邊亭

天地起妖氛粵南生狂逆未盈一二年已滿  
萬千額眼底惟貨資鋒箭無黑白屋廬多  
化灰溝壑見流血郡邑偃干戈將吏甘巾幘  
紛紛宇宙人寂寂英雄客垂首伏塵埃輸



枕隨劈劃倏爾聞鼙聲忽然驚馬跡居者  
悉蒼黃夫誰望俘馘惟我張總戎不憚已  
充斥運籌統六軍黠旦出長陌注意障遐  
方矢心剛

帝澤自揮貔與貅親秉戈并戟奮勇敢當先  
結亭山之脊旌旆影搖搖士卒聲嘖嘖我  
武方振揚彼形已跼蹐弗思向近行惟議從  
遠躑決勝千里外此日得衽席惠愛在軍民  
芬芳留竹帛亭扁曰籌邊華勲今古勅  
贈鄭大尹

內外群有司親民莫如今令苟得其人功成  
治亦定所以

聖明時簡擢恒加慎卓哉大君子賢書著名  
姓遠人期惠澤

北闕承新命墨綬綰銅章

恩寵極華盛鳧舄杳南飛鷺錦輝相映百里  
稱賢侯民具爾瞻敬撫綏諒有方興除民  
利病願堅清白心早報循良政詎獨慰我懷  
邑人會胥慶

頌汪繡衣祈雨有感



密雨起東郊，須臾雲氣作薰風。一流轉好  
雨，應時落。冥濛浥街塵，瀰漫滿城郭。坐  
見西北山，千里翠如瀾。粼粼玉池水，灑灑聲  
赴壑。微虹隱木杪，生意動花萼。田家方播  
種，喜氣欲騰躍。行看土膏沃，何憂溝塍涸。  
祈禱心益虔，籲天許民瘼。龍德普所施，  
可望秋大穫。仰謝臺臣功，對物有餘樂。

贈崔琴士

老耳欲昏，瞶好音，悄無聞。大雅固寡，冥世  
道亦紛紜。朱門貴華麗，歌聲遏行雲。纂箏

空滿眼，過耳徒紛紛。客今訪我來，一見如弟  
昆。芝蘭同氣味，不與蕭艾羣。於焉彈古操，  
中有道妙存。松風來颯颯，山水流泠泠。鍾期  
人已往，千載誰與論。曲終發長嘆，作詩話  
殷勤。



八終

素軒吟藁卷之九

七言絕句

題蠶婦

採葉供蠶一月忙  
婦姑何暇理晨粧  
繰絲直待輸官了  
短襖長裙始較量

夜聞鄰童讀書

風送吾伊隔竹聲  
隣童應解對韓檠  
垂髫憶我從師日  
翻笑于今學未成

題歸鴉

黃葉蕭蕭已夕陰  
歸鴉散亂未投林  
高

飛盡有凌雲志若箇能懷返哺心

題買臣負薪圖

夾道松陰護綠苔行歌獨自負薪來山妻  
只作樵夫看不識黃堂太守材

題車胤囊螢

莫咲窮經未遇時絹囊螢火夜光微他  
年自有金蓮炬

天語從容勅賜歸

除夜

獨守殘爐夜未眠追思民瘼益悽然不知

誰宰乾坤事一夜平分作兩年

和前韻

爆竹聲殘尚未眠百年人世亦徒然明朝  
甲子從頭數又把今宵作去年

正旦試筆

青龍紀歲物華新願祝吾

皇萬萬春我亦敷熙中外久丹心偏自戀  
嚴宸

題老儒

磨穿鐵硯困詩書俗眼茫教笑老癯昨夜



燈前點周易眼昏翻說字模糊

老吏

不貪又恐老來貧弄法尤愁官長嗔案牘  
勞形深歲月筆刀泪沒幾多人

老漁

江湖終歲老風波明月孤舟雪一簑載入  
蘆花頭總白得魚沽酒尚能歌

老農

兩鬢秋風白髮生一犁春雨暮雲晴朝來  
猶自驅牛牧惟恐兒孫不力耕

老商

燕山楚水幾迴過搔首斜陽白髮多謾把  
黃金作生計空教歲月苦奔波

老将

曾為邦家拓宇疆功成兩鬢已如霜即今  
贏得心尤壯百萬雄師屬王張

老軍

憶自從軍百戰餘辛勤王事幾前驅南征  
北伐尤無已力弱難同少壯初

老醫

參苓藥籠幾多年肘後良方妙手傳種得  
杏林春意老不愁二豎敢相纏

老僧

自入沙門八十秋上堂尤共說比丘世人不識  
禪中趣養得朱顏映白頭

老馬

脊瘡蹄蹇瘦闌干火印年深字已漫昔走  
塞垣如抹電安知末路出門難

聞南都連年災異

根本留都災異甚邊方迢遞却懷憂但祈

國正天心順四海豐登仰  
聖猷

酷暑遣懷

霄漢無雲日正中石床筠簟盡如烘何當  
學取申公術飛入廣寒宮殿東

題松

披圖彷彿似徂徠清籟蕭蕭繞澗洄  
謂長林終偃蹇明時方索棟梁材

題石榴黃鳥

誰家石榴花滿樹上有好鳥復嚶嚶何時



飛入上林苑却傍朝陽鸞鳳鳴

題虎

昂尾垂頭氣欲震三雛相顧復相馴君  
看物性能如此何況人間父子親

題梅

畫梅有譜竟誰師見畫令人憶逋之欲  
識古今三昧手不如香影一聯詩

題竹

坡仙醉筆妙通神寫得琅玕箇箇真最  
羨籜龍春雨後繞掀頭角便驚人

題梅

何處春風剪雪花旭東樓外影橫斜不  
須更問湖山曲此即林逋處士家

題竹

竹君家世在淇園葉葉新承雨露恩昨夜  
春雷驚霹靂蘆蘆斬然頭角見兒孫

題畫鷹

韝上從容刷羽毛壯心不怕海天高草中獵  
兔休驚怪直待秋風解綠條

題畫菜

曾移蔬甲課園丁愛嚼霜根養性靈獨  
有畫工知此意能將風味入丹青

題春山樓觀圖

一帶好山橫樹杪幾重高閣起雲中何  
當避暑釣簾坐納取虛牕八面風

題牡丹

畫圖誰點舊姚黃金鏤衣輕翠袖長倦  
倚東風嬌白日王孫亭榭見花王

秋試之期在邇口占一絕勉諸士子

雪案螢窓歲月深一經舌究聖賢心文

章未必儒冠悞拱聽泥金報好音

題御用監太監陳公舊畫

日逢當午卧花陰捕鼠雄威愜主心利爪  
金精誰會得筆端造化託機深

題犬

爪似金鈎牙似戟逢昏防禦往來頻可憐  
黃耳通人性戀戀何曾厭主貧

遊風洞

洞口風吹徹骨寒重裘到此覺衣單山神  
為我煩風伯願掃蠻烟永不干



駐節荔浦作二首

茫茫薄海總王臣醜類無知梗至仁  
黃紙忽傳封鼠穴將軍長劍刈荒榛

又

虎狼行處日怵怵鐵馬傳更白晝號惟愛  
生靈眠得穩却教飛騎看征袍

送張總兵往洛容二絕

節鉞輝煌出桂城洛容縣治復民耕萬

山徭獠遵

化旋旆春風萬物生

又

威聲先到動山城八桂民夷樂耦耕公論  
即今歸太史知君端不愧平生

喜雨二絕贈曹繡衣

徧祈羣祀却肩輿歲望生民粟有儲不是  
上天昭至德何由一禱雨隨車

又

彌旬待雨嘆羣黎引領無人不望霓頃刻  
甘霖蘇遠近芄芄禾稼總成畦

題庭竹圖冊二絕

庭廡森森竹萬竿不知曾歷幾人看一  
經勾曲仙人手便覺樓臺分外寒

又

仙家心性喜霜筠自起亭臺作主人  
暇翛然無一事清風看掃座間塵

題肇慶府迎恩樓

迎恩樓傍信潮邊頻訝

皇恩出九天萬里總歸堯舜治

九重新命驛官傳

題三洲岩

幾過三洲未泊船逢人謾說此中仙

已歷年華遠石乳疑成白玉蟬

德慶河下偶作

十里人家傍水居繞籬編竹護新蔬  
舟行樹底清陰密獨坐蓬窓看打魚

新村偶作

驛樓俯碧映天光風景清幽興欲狂  
分付奚奴供紙筆且將新句付詩囊

廣東華節偶作

水光月色明如畫桂楫蒲帆坐似仙  
塵想



不生心自靜也勝花柳過前川

麟山驛作

十年前曾此看蓮花  
夢裏春回事可嗟  
今日推窓堪一笑  
紅裙翠袖是誰家

舟中偶作

長河風起雨聲寒  
舟裏歸人酒未闌  
記得往還春色好  
呼童折取杏花看

題畫二絕

尚下青山遠近村  
斷橋流水沒苔痕  
雲石路稀來轍踈  
雨梨花半掩門

又

山圍翠浪水流虹  
樓閣參差錦繡中  
雨後新晴春色媚  
野人策蹇踏東風

送梁給事中二絕

六龍飛御應昌期

天上清臣奉使時  
立馬東風無所贈  
陌頭楊柳未盈枝

又

柳芽初放雪初晴  
一騎冲霄北闕行  
我亦楚人歸未得  
楚歌先唱嶽衡

雲

題湖山一覽亭

桂花叢裏暗香浮  
亭外青山對酒樓  
隔岸笙歌清晝永  
一尊移棹倚芳洲

又

疎林風雨障青天  
詩思撩人興洒然  
賓主開懷忘飲量  
明良奇遇太平年

又

一曲瑤琴一局棋  
亭前倡和數聯詩  
正明天子如堯舜  
治屬民無道拾遺

又

秋風颯颯雨淒淒  
丹桂花香襯馬蹄  
洒洒湖山亭下樂  
綢繆綉覺日銜西

又

秋風漠漠海天低  
丹桂花香襯馬蹄  
洒洒情懷追李杜  
湖山覽徧且留題

題木槿花

盆內根同兩樣花  
枝枝葉葉各生芽  
不知氣脉從來意  
移向園籬伴歲華

湖山亭倡和



山如圖畫列亭前時有花香到酒船春  
水渾如天上坐神仙嘉會此盤旋

又

湖光山色一尊前幾度詩成月在船只恐  
此亭留不住

九重有詔合言旋

又

西湖之景已無前小試芳亭當畫船坐起  
劃然成一笑水光山色自周旋

幽居偶題

小亭深樹繞烟蘿碧漢無雲一鴈過吟眼  
乍開眠乍起半窓花影夕陽多

和湖山亭詩

諸山環抱小亭前樹色蒼蒼隱釣船日霽  
水光雲影動公餘時復此回旋

感懷

春光未半柳初芽雨霽青山萬里賒遙憶  
小湖春水闊東風開遍十洲花

題海珠寺

山色清明海氣收觀音山頂起層樓從前

往事如春夢會合賓朋憶舊遊

題畫孔雀牡丹

隴西珍鳥洛中花只合繁華自一家不似  
野田茅屋下雞棲豚柵對桑麻

閑詠

滿目春光景物新花開不擇世間貧吟詩  
酌酒陶情性懶去侯門托故人

題竹

龍孫五月脫仙胎多藉天家雨露培但願  
日年三萬日清風終日到亭臺

題牡丹

誰將并剪剪春羅嬌借東風點綴多曾  
共阿渠談笑否朱顏綠鬢兩如何



素軒吟藁卷之十

五

移夜見月

獨坐虛堂裏凝思夜已深開簾看明月  
却見見古人心

龍源洞

山中華蓋洞石氣冷蕭蕭不見攀龍  
客惟逢避雨樵

題三洲岩

鰲峯一鑑開此處即靈亭萬古中流柱

巍然亦壯哉

村社中見白蓮而作

村有白蓮花野塘百姓家堪移城外種  
歲歲泛仙槎

思鄉

八月涼風爽鱸魚分外肥思鄉何日到忍  
聽搗寒衣

詩吟藁卷之十

詩吟藁卷之十一

附錄

奉

命出師征勅田州夷寇往還途間謾興

律詩絕句并歌行共得五十五首

永福舟中

孤城磊落枕山腰水急灘危穩着篙征  
騎如雲嘶舊櫂將軍百戰敢辭勞

舟中謾興

勝水名山趣逼真雨餘翠色更精神一



帆風送登行館草木回春萬象新  
舟泊牛擺同寅聯句

清話籌邊日漸斜鎮臨牛擺駐皇華停  
舟擬剖床頭酒汲水新烹穀兩茶傳醜  
虜刻期當授首炎荒此日已浮瓜良緣  
幸接斯文會共秉丹心報

帝家王

柳州地界聞州人鄉音二絕

南蠻鳩舌鳥同音良善皆知向化心不  
口但看違法者除根拔木不成林

又

青山到處鷓鴣聲莫問哥哥路幾程戰  
馬雲蹄輕萬里豺狼當道敢縱橫

題柳侯祠

兩山相峙拱祠前一泓清流洗瘴烟懋  
烈豐功終不泯香名贏得古今傳

駐節柳州看城

城上高樓望遠山亂山重疊海天寬諸  
夷拱聽宣

王化惡者除根善者安

贈余知州

五言律詩

聞道州人治鋤頑始尚嚴琴堂俄簡訟  
文教漸均霑苔色陰封篆山光晝擁簾  
溪毛鮮可茹亦復恐傷廉

題柳侯祠

七言律詩

廟貌巍峩寄草萊巋然仙境自天開  
登臨使節超凡界瞻仰祥光燭上台  
勒石文章非偶爾凌霄松栢果奇哉  
豐功偉烈題難盡說與山靈記此來

又贈余知州

游宦如凌健翮飛眉間黃氣麗春暉  
雅操松栢貞心在痛邱閭活計微  
隨處口碑騰滿路渾身文采爛盈機  
便應當道交章薦寘向烏臺著豸衣

寓來賓

萬里車書屬

大明飽觀山水健登程望窮旭日真長望  
行到來賓是遠行潦倒形骸通夕倦嗟  
跼功業幾時成蠻夷作孽民遭害削草  
除根始太平



寓遷江

遷江經過重躊躇前路驚聞險且迂更  
判形骸衝瘴癘忍教車馬費馳驅棘叢  
猛虎疑潛伏石竇飛泉駭下趨漂泊萍  
蹤真是客幸蒙  
天相免無虞

寓思懶

五言律詩

維時將七月暑退氣全清身健偏宜飯  
途危頗耐行沙鷗依水宿嶺樹向空撐  
露坐星河下何妨直到明

又口占二律

地名思懶懶何其僻在川雲嶺樹涯嶺  
樹乍凋秋到日川雲將暝雨來時品題  
風景多收拾奔走肝腸載渴饑重念此  
行良可駭獐狃僅與隔樊籬

又

黃塵莽莽草離離路竟西南始到茲思  
懶地偏元自遠邊方事重更何疑百年  
過半吾生老七月將中暑氣夷頗識  
皇天良有意搗巢殄寇在斯時

兵備府新造西軒亭二律

巋然此地此軒新素壁玲瓏不受塵  
卓雀爭枝綠砌墮癡雲將雨繞簷  
巡夏來苦亦繁炎暑我到權當作  
主人把筆汗流清興減軒新翻却  
愧詩陳

又

六月炎蒸氣正豪征蠻何乃適  
相遭唇枯聊借茶瓜解手汗慵將  
筆墨操畫棟山當平野立綠陰蟬  
就午風號層冰壑知何處擬取浮  
名一併述

文廟行香明倫堂作以勉諸生

素王宮駸枕山厓清淑鍾靈地  
勢佳翠挹烟雲森檜栢棟摩霄漢  
峙堂齋儒冠匝地紛於織文樣趨  
時巧似俳莫憚青燈黃卷志

朝家作養在羣儕

五月端陽日

五月官軍擁節旄重岡復嶺接天  
高小臣報國寧辭苦大將行兵無  
乃勞漠漠野烟啼好鳥陰陰山木  
掛猥猥二更起



看中霄月自喜挑燈看寶刀

端午日馬上作歌行

山雲不雨忽復雨沿路羣山勢如舞蹀  
躩如雲萬馬嘶馮夷駕風擊鼉鼓我今  
征勦統軍伍畢竟斯遊天所與胡為天與  
我斯遊而乃忽然風雨止心神爽快為  
區處百萬貔貅奮威武三軍悚爾令嚴  
明逡巡畏縮奚足數此行方將報

小主葵藿露心當日午馬上題詩不知苦  
意態橫生與如縷試問山靈總無語一

陣清風驅酷暑渴時前面梅堪取馬  
霜蹄捷如羽矜除蠻賊搗其巢草木昆  
蟲皆得所

同寅席間聯句

邊方重事亂如麻暫此停騾立當家素軒  
瓶勢倒時傾玉筆鼓聲急處落金花四逢  
生涼好雨催詩興當年紅葵對日華葵屏  
氣味相投聯句晚不知明月又西斜素軒  
端午日投壺

一心籌策易兩矢插花難察案歡無極



苜蒲酒半酣  
汲泉烹茗鼎  
出戶看芝山  
刻日擒元惡  
軍民始得安

寓橫州歌行

征蠻豈憚途千里  
薄暮橫州暫棲止  
燈前笑顧六尺軀  
真爾千山萬山裏  
千山萬山孔多豺  
虺出沒將柰何  
勤勞王事不遑卹  
定有神鬼為禁訶  
山空夜靜心清澈  
祇聞溪水聲  
嗚咽長風忽復動  
地來槎牙老幹多  
摧折呼童欲就衾  
枕眠偶然得句揮  
銀筭更長反覆不  
成寐

披衣起坐如真禪  
紙窓微漏東方白  
幽懷頗伏題詩洩  
題詩聊爾紀歲時  
丙戌年中夏六月

弘治年間予奉

勅提督雷州珠池任少叅分守海北道致  
政還鄉予過訪適值元宵佳節燈月交  
輝詩酒盤桓竟夕未已今經二十餘年  
予承乏廣西因邊夷犯逆統率官兵駐  
節於此任公已不作矣偶成一律以紀  
歲月云耳



憶昔元宵燈月輝觥籌交錯醉忘歸忘  
懷知己今何在握手論文事已非落筆  
詞章尤未泯令人珠淚自成揮登門感  
舊情何切喬木空遺大十圍

題錢叅戎新亭

亭構中間膝僅容華居托此坐春風招  
延屢放冠裳集游戲全憑楮墨供百歲  
會堪娛晚景數椽直擬做侯封生平遐  
企陶元亮也復臨流及撫松

題葉掌教畫菊

紛紛蜂蝶似排衙門外多傳長者車叢  
菊競開重九節秋光滿占舊儒家遙憐  
彭澤愁無酒未許嚴霜妬此花造物令  
渠長過火春初根已茁于牙

予因地方有事統兵駐劄橫州雷州  
張指揮來見書此以歸之

三軍旗幟畫漫山鞍馬驅馳備險艱鼓  
勇直乘風雨裏擣虛曾入犬羊間自從  
獻馘功全建頻使隣邊境盡安二十年  
前嘗邂逅人情不改羨君難

因邊務道經古鉢嶺偕錢叅戎謁陳  
夫人祠五言律

岩光浮斷雪林影漏微煦今古神威肅  
仙凡此地分使輶穿草樹筆陣掃烟雲  
默禱希陰佑功成十萬軍

贈錢叅戎七言律詩

樹功拜

命鎮邊疆解組歸來綠野堂裊裊旌旗飛

曉日翩翩劍珮凜秋霜詩書貫腹宏縮  
峇忠義銘心振紀綱簡在

衣秉思舊將

天恩重見下巖廊

又題古鉢祠

古鉢祠前一辦香拜瞻淑像肅冠裳碑  
鏡故事莓苔半德播清風宇宙長勝境  
自應增壯觀老儒亦幸被輝光山靈為  
我從頭祝得捷佳音屬主張

題北門寺聞欲拆毀故有此說

無數山光與水光誰云心醉在壺觴偶  
因邊務嬉遊到翻惹僧家應接忙鳥語



悠揚如度曲曇花零亂飄香工成不  
毀從來道留得僧房與石床

潤民饑二首

地僻民窮迫歲饑村居十室九流移鴻  
毛不直輕遺命溝壑相望互枕尸顧忍  
遊觀探禹蹟謾歌安究憶周詩試揮兩  
眼蒼生淚訴向皇天后土知

又

曩歲茲鄉號樂鄉比來遭值歲凶荒好  
生天亦甘殘忍枵腹人將就死亡倉庾

正緣無積苦救援全仗有司良嗟予忝  
作觀風使素飽羞夸食尚強

行臺謾興二律

曉雨行臺晏啓門棘叢鳥雀亦欣欣荒  
涼草具聊供飽漂泊萍蹤不繫根瘠壤  
尚妨驅耒耜饑民忍使貨兒孫何當陡  
見滂沱降騰踏蛟龍海水翻

又

留連風雨數題詩潦草慚無絕妙辭放  
筆尚嫌吟興淺疑眸偏愛化工奇逃亡

人復凶年後犯逆蠻遭困厄時自笑此  
生開未得擬除此病倩誰醫

題伏波廟

幽明兩地不相關主敬常存一念間  
鬼魄九霄尤未死江山千古只常閑  
細看碑石松根立薄奠椒漿日暮還  
烜赫有靈如默佑捷書早遣達

金鑾

禦寇

五言律詩二首

蠢爾蠻夷賊谿山肆陸梁殄除兵自勇

保障畫多方酋舌驚相吐官鋒凜莫當  
厥功如馬援赫赫照炎荒

征蠻

蠢爾蠻猖獗西南梗一隅兵須殲此種  
將乃屬吾儒蛇虺多升樹豺狼悉殞軀  
到今碛峒裏妥貼免無虞

予親臨地方調度古畧統漢土而交  
攻夾水陸而並進雷轟電烈山嶽動  
搖元惡授首徒黨就擒凱歌而旋志  
喜四首



指揮諸將奮神謀百萬旌旗駐海陬  
指氣堂堂收犬豕威聲赫赫肅貔貅  
百怪正為蒼生解萬里遙分

聖主憂指日捷音陳

睿覽微勞焉敢說封侯

又

義膽忠肝蓄滿腔操持兵柄鎮南邦  
三軍奮勇爭排陣萬馬無嘶暗渡江  
東晉元堯先就戮望風餘醜競相降  
山城老稚歡聲沸一路謳歌擁碧幢

又

為國驅馳靜寇讐軍營壓斷瘴烟收  
身親矢石援枹鼓氣吐虹霓射斗牛  
萬里西征今克捷

九重南顧已無憂微功敢謂多勞苦  
細寫封章達

冕旒

又

一朝

王命下軍門甲士如雲武帳屯鐵馬  
遠馳

蠻寇寨黑旗高插黨人村荒郊已斷狐  
狸迹落日惟餘鳥雀喧境土肅清烟瘴  
息四民歌頌萬家歡

予駐節邕南偶有永順舍人持帖來  
稟于公署宣慰象

聖恩陞授湖廣都指揮使致政今壽五十  
乞予詩故書此以歸之

永順家聲孰與儔祖孫世代嗣箕裘比  
膺闡寄光何厚每念

主恩報未周戈馬已嘗閑戰陣詩書更解

狎儒流願言多壽多男子正值

清朝有道秋

贈張僉憲

聖皇憂顧最西南臺憲輸君

命獨堪苗獠從來便負固犬羊亦或在包

含三軍鼓勇揚戈甲萬壑開睛淨瘴嵐

不治治斯深所治芻蕘且勿厭常談

駐賓州

征途亂擁馬蹄塵赤田燒空頗困人驛  
具盤飧聊取飽詩題山水謾傳真羈棲



薄宦年空老遭際

清朝道亦伸此地尚多陳跡在恐緣吊古  
重傷神

寓思隴

綠陰深處奏蟬聲策馬中央自在行  
晴靄山前雲不斷炎蒸雨後氣初平  
驛亭卧趁紗幬薄畫壁吟看肉眼明  
底事懷歸歸未得豈緣浮世競浮名

南寧建武駐節用賓州行臺韻

坐揮長袖拭車塵征盡蠻夷慰遠人將

近重陽虛令節且憑詩句道吾真菊  
地僻嗟難見老態愁多薜未伸  
早已經年全不雨山川神亦未為神

建武驛

征途軋軋走雙輪膏雨如絲壓軟塵  
客向倦時聊假寐詩當妙處或通神  
峯巒疊翠猶懸畫樹木成林可愛人  
萍梗東西無定所誰憐遊宦苦兼辛

崇善寺

寺好山林亦有光繞門曲水可流觴  
綿

蠻鳥解教春住自在禪宜笑密忙世上  
囂塵都不着壁間詩句或生香陡然天  
際東風起掃淨頑雲見太陽

九日次田錦衣韻

宦遊九日亦登高老杜狂仍太白豪南  
北梯航曾不斷東西烏兔祇徒勞撫安  
黎庶如憐子勦滅蠻酋暫脫袍佳景可  
人心已醉醜何用藉醇醪

進兵田州為王總戎作五首

潢池赤子弄兵遊往使邊防武備修一

舉功堪收眼底萬全計合繫心頭山川  
汎掃妖魔氣

霄漢平分 哀冕憂大一統應垂萬載神

州豈是陸沉州

又

兵歌浩浩入田州亟極蒼生寇盜憂  
退何妨三舍許擣虛直抵萬山頭渠魁  
就縛魂銷錄疊石橫排道阻修早晚西  
藩烟水淨訪君那惜一追遊

又 五言律詩



提兵展壯遊露布便堪修九夏三秋候  
千崖萬壑頭撓槍元可怪蜂蠆亦須憂  
天網踈無漏難容此寇讐

又

總戎

命降寵何頻

帝曰孫吳僅若人介胄在身唯所令虬髯  
滿面恰如神寇窮餘孽行都殄兵出選  
荒定徧巡荆棘叢仍禾黍地功名真合

贈麒麟

又

得捷遙開脯切麟凱歌三唱酒三巡聲  
名雷動掀山岳威令風飛懾鬼神蠻寇  
跳踉成底事

朝家倚毗在斯文會看敷奏

天顏喜召對康侯接引頻

途間寄大巡侍御先生二首

肅肅前騶擁徼巡煌煌憲節下

嚴宸威風早已摧山嶽衷赤何須誓鬼神

一道寬聲應盡雪四方民力待重均知

公不負江南望曾是循良第幾人

又

一年寒暑又逡巡慙愧無才奉

帝宸星鳳北來初識面徃蠻西犯獨傷神

同

朝謾托衣冠後黎庶咸蒙惠澤均翹仰斗

山情莫盡蕪辭聊以致慙慙

素軒吟藁卷之十一終





